

VENDIM
Nr. 13, datë 21.3.2017

PËR SHPALLJEN E THIRRJES PËR PROPOZIME PËR PËRGATITJE PROJEKTESH (PROJEKTIM), NGA GRANTI “INFRASTRUKTURA VENDORE DHE RAJONALE” PROGRAMI I ZHVILLIMIT TË INFRASTRUKTURËS VENDORE DHE RAJONALE, SHTYLLA I, PËR VITIN 2017

Në mbështetje të nenit 100 të Kushtetutës, të nenit 16 dhe të aneksit 3, të ligjit nr. 130, datë 15.12.2016, “Për buxhetin e vitit 2017”, me propozimin e ministrit të Zhvillimit Urban, Komiteti për Zhvillimin e Rajoneve

VENDOSI:

1. Shpalljen e thirrjes për propozime për përgatitje projektesh (financim për fond për projektim), sipas programeve dhe granteve si më poshtë vijon:

1.1 Granti “Infrastruktura vendore dhe rajonale”, programi i Zhvillimit të Infrastrukturës Vendore dhe Rajonale, shtylla I.

2. Aplikimi për propozim për përgatitje projektesh, sipas pikës 1 të këtij vendimi, bëhet nga Agjencia Kombëtare për Zhvillimin Rajonal, agjencitë për zhvillimin rajonal nr. 1, nr. 2, nr. 3 dhe nr. 4 dhe nga Agjencia për Zhvillimin Ekonomik Rajonal, sipas afatit dhe formularit në shtojcën I dhe shtojcën II, bashkëlidhur këtij vendimi.

3. Projektet, për përgatitjen e të cilave kërkohet financimi nga aplikuesit, sipas pikës 1 të këtij vendimi, të përmbushin kushtet, si më poshtë:

- a) të jenë rajonale dhe të synojnë nxitjen e partneritetit për zhvillimin rajonal;
- b) të jenë në përputhje me drejtimet prioritare dhe masat për vitin 2017–2018;
- c) të synojnë bashkëfinancim me bashkitë etj., në fazën e zbatimit të tyre.

4. Procedura e vlerësimit të propozimeve kryhet nga sekretariati teknik, në Ministrinë e Zhvillimit Urban, sipas kriterëve të dhëna në shtojcën III, bashkëlidhur këtij vendimi.

5. Ngarkohet ministri i Zhvillimit Urban për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYETARI
Edi Rama

Zëvendëskryeministri
Ministri i Financave
Ministri i Zhvillimit Ekonomik, Turizmit,
Tregtisë dhe Sipërmarrjes
Ministri i Zhvillimit Urban
Ministri i Transportit dhe Infrastrukturës
Ministri i Arsimit dhe Sportit
Ministri i Bujqësisë, Zhvillimit Rural dhe
Administrimit të Ujërave
Ministri i Shëndetësisë
Ministri i Kulturës
Ministri i Mjedisit
Ministri i Punëve të Brendshme
Ministri i Shtetit për Inovacionin
dhe Administratën Publike
Ministri i Shtetit për Çështjet Vendore
Kryetari i Shoqatës së Qarqeve të Shqipërisë /
Kryetari i Shoqatës së Bashkive të Shqipërisë /
Përfaqësuesi i Bordit të Agjencisë për Zhvillim Rajonal nr.1
Kryetari i Shoqatës për Autonomi Vendore /
Përfaqësuesi i Bordit të Agjencisë për Zhvillim Rajonal nr.2
Përfaqësuesi i Bordit të Agjencisë për Zhvillim Rajonal nr.3
Përfaqësuesi i Bordit të Agjencisë për Zhvillim Rajonal nr.4

Zëvendëskryetar;
anëtar;

anëtar
anëtar;
anëtar;
anëtar;

anëtar;
anëtar;
anëtar;
anëtar;
anëtar;

anëtar;
anëtar;
anëtar;
anëtar;
anëtar;
anëtar;
anëtar;
anëtar;

**Shtojca I: KALENDARI ME AFATET E APLIKIMIT DHE VLERËSIMIT TË
PROPOZIMEVE**

Afati	Institucioni përgjegjës	Aktiviteti
Botimi në "Fletoren zyrtare"	Komiteti për Zhvillimin e Rajoneve	Hapja e thirrjes për propozime për grantin, programin dhe shtyllën e financimit, sipas pikës 1, të këtij vendimi
7 ditë kalendarike, pas botimit në Fletoren zyrtare	Aplikuesit sipas pikës 2, të këtij vendimi	Dërgimi e aplikimeve nga aplikuesit, si më poshtë vijon: 1. Aplikimi me shkresë zyrtare (postë ose protokollim dorazi), ku dosja e plotë e aplikimit (edhe në CD) dërgohet pranë sekretariatit teknik përkatës, si më poshtë vijon: a) Shtylla 1 - Programi i Zhvillimit të Infrastrukturës Vendore dhe Rajonale, - granti "Infrastruktura vendore dhe rajonale", sekretariati teknik pranë Ministrisë së Zhvillimit Urban.
3 ditë pune nga mbyllja e aplikimit	Sekretariati teknik përkatës	Vlerësimi i propozimeve për përgatitje projektsh të aplikuara bëhet sipas shtojcës II.
	Sekretariati teknik përkatës	Sekretariati teknik paraqet zyrtarisht pranë Sekretariatit të Përgjithshëm listën e propozimeve për financim, si dhe projektvendimin që i propozohet Komitetit për Zhvillimin e Rajoneve.
3 ditë pune nga dërgimi i propozimit nga sekretariati teknik	Sekretariati i Përgjithshëm i KZHR-së	Në bashkëpunim me sekretariatit teknik, koordinon dhe organizon mbledhjen e Komitetit për Zhvillimin e Rajoneve.

**Shtojcë II: FORMATI I APLIKIMIT PËR PROPOZIMIN PËR PËRGATITJE
PROJEKTESH**

Propozuesi	
Data e propozimit	
Titulli i propozimit	
Shtylla e financimit/grant	Të përcaktohet për cilën shtyllë aplikohet (sipas aneksit 3, të ligjit nr.130/2016, “Për buxhetin e vitit 2017”), sipas pikës 1 të vendimit.
Qëllimi dhe objektivat e propozimit për përgatitje projektësh	- Përshkruani shkurtimisht qëllimin e ndërhyrjes që propozohet të hartohet, potencialin rajonal që ajo adreson, si dhe argumentimin sesi ky propozim do t’ju përgjigjet mundësive për zhvillim të identifikuar për rajonin e zhvillimit ku shtrihet; - Listoni objektivat e mundshëm që synohen të arrihen me hartimin e këtij propozimi për përgatitje projektësh, drejtimet prioritare dhe masat 2017 – 2018¹, në arritjen e të cilave mendohet se kontribuon ai.
Përshkrimi i propozimit të pritshëm, për përgatitje projektësh	Të bëhet përshkrim i përgjithshëm i propozimit për përgatitje projektësh për t’u hartuar, duke përmbytur informacionin e mëposhtëm, por jo vetëm: - Lidhjen e propozimit, projektit/projekteve potenciale që mendohet të hartohen, me strategjinë territoriale dhe të zhvillimit të njësive vendore, Planin e Përgjithshëm Kombëtar, Programin Operacional, kuadrin strategjik për zhvillim; - Objektivat tematik që priten të arrihen me ndërhyrjen në fjalë, potencialin rajonal të identifikuar për zhvillimin e të cilit do të hartohen projektet; - Vendndodhjen e territorit dhe shtrirjen ose lidhjen rajonale ku parashikohet ndërhyrja e projekteve të mundshme të propozimit, duke specifikuar njësitë vendore brenda rajonit të zhvillimit, fondi për përgatitjen e të cilave kërkohet në këtë propozim tuajin (shoqëruar me hartë); - Partnerët potencialë me të cilët mund të punoni për zbatimin e ndërhyrjes, në nivel qendror, vendor apo partnerët e huaj për zhvillim.
Konteksti i zhvillimit rajonal, integrimi/agregimi dhe partneriteti rajonal	- Përshkruani nëse propozimi për ndërhyrje për përgatitje projektësh që mund të hartohen lidhet me projekte të tjera të financuara më parë nga FZHR-ja etj., rëndësia komplementare e investimit të pritshëm, lidhja me një ose disa nga masat 2017/2018 për arritjen e të cilave do të kontribuojnë ndërhyrjet e pritshme nga këto projekte potenciale; - Përshkruani nëse projektet potenciale që mund të zhvillojë propozimi integrojnë zbatimin e dy ose më shumë drejtimeve

¹ Miratuar me vendim të Komitetit për Zhvillimin e Rajoneve, nr. 3, datë 9.2.2017 “Për drejtimet prioritare të politikës dhe kalendarin e programeve të financimit të Fondit të Zhvillimit të Rajoneve, për vitin 2017”.

	prioritare, masave 2017 – 2018 (e preferueshme) apo mund të jenë me financim të pritshëm që agregon burimin e financimit nga një ose më shumë grante njëherësh dhe/ose disa partnerë (e preferueshme).
Bashkitë dhe përfituesit	Jepni bashkitë, qarqet dhe partnerët e mundshëm që mendohet se mund të përfitojnë drejtpërdrejtë dhe tërthorazi nga zbatimi i propozimit, qytetet, fshatrat, kategoritë e përfituesve potencial.
Rezultatet e pritshme	Përshekruani rezultatet e pritshme, nëse financohet propozimi për përgatitje projektesh.
Kohëzgjatja e përgatitjes së propozimit	Jepni një kohë të mundshme, të pritshme për përgatitjen e paketës së projekteve që propozohet të hartohet, në rast financimi.
Koha e pritshme e fillimit të zbatimit të projekteve	Jepni të dhëna indikative si më poshtë: - Kohën e pritshme kur mendohet se mund të fillojë zbatimi i projekteve që mund të financohen për përgatitje; - Fondin e pritshëm të investimit për zbatimin e projekteve që mund të financohen për përgatitje.
Partnerë të tjerë potencial, me të cilët do të ndërtohet bashkëpunimi/bashkëfinancimi	Jepni partnerët në zbatimin e projekteve me të cilët potencialisht synoni të punoni për të ngritur fonde për bashkëfinancim në zbatim (nga njësitë qendrore, njësitë vendore apo nga donatorë, listoni bashkëfinancuesit e mundshëm).
Fondi që kërkohet për përgatitjen e projekteve rajonale (fondi i projektimit)	Jepni shumën totale të financimit për fond për përgatitje projektesh (financimi i projektimit) që kërkohet nga aplikuesi.
Deklarime	Aplikuesi deklaron se: - Llogaritja e tij është bërë në përputhje me aktet ligjore të zbatueshme.

Shënim:

Aplikuesi duhet të dorëzojë pranë Ministrisë së Zhvillimit Urban, së bashku me këtë formular të plotësuar edhe dokumentacionin e mëposhtëm:

- a) Dokument dakordësie në parim (ose Memorandum Mirëkuptimi) midis tij dhe/ose bashkive, ku mund të shtrihen projektet potenciale që mund të financojë ky fond për përgatitje projektesh (fondi i projektimit), dhe/ose partnerë të tjerë potencial;
- b) Listë indikative projektesh potenciale që mund të financojë ky fond për përgatitje projektesh (fondi i projektimit).

**Shtojca III: KRITERET E VLERËSIMIT TË PROPOZIMEVE PËR PËRGATITJE
PROJEKTESH (Shtylla I, Programi i Zhvillimit të Infrastrukturës Vendore dhe
Rajonale, granti “Infrastruktura vendore dhe rajonale”)**

Këto kritere përdoren nga sekretariati teknik për të vlerësuar propozimin për financim me fond për përgatitje projektesh (financimi i projektimit) dhe në bazë të tyre kryhet **vlerësimi, maksimalisht, me 100 pikë**, i propozimit për financim/miratim nga Komitetit për Zhvillimin e Rajoneve.

Kriteret detajohen në nënkriteret përkatëse nga sekretariati teknik i ngritur pranë Ministrisë së Zhvillimit Urban, sipas aneksit 3, të ligjit nr.130/2016, “Për buxhetin e vitit 2017”.

Kriteret/kërkesat e domosdoshme për të kualifikuar për vlerësim një propozim, i përcakton sekretariati teknik.

Kriteret për vlerësimin e propozimeve për financim me fond për përgatitje projektesh (financimi i projektimit) janë, si më poshtë vijon:

1. Projektet që do të hartohen nga ky financim të jenë projekte rajonale dhe të synojnë nxitjen e partneritetit për zhvillimin rajonal: ky kriter vlerësohet me **0 deri në, maksimalisht, 40 pikë**.

Ky kriter duhet kuptuar si, projektet që do të hartohen nga aplikuesit, kanë karakter më të theksuar rajonal/ndër-rajonal dhe jo të konceptuara vetëm si projekte ndërvendore midis dy apo më shumë bashkive.

2. Propozimi tregon se projektet që synohen të hartohen janë në përputhje me drejtimet prioritare dhe masat për vitin 2017-2018 dhe kontribuojnë në arritjen e tyre: ky kriter vlerësohet me **0 deri në, maksimalisht, 30 pikë**.
3. Niveli i bashkëfinancimit nga njësitë e qeverisjes qendrore ose vendore dhe fondet e partnerëve për zhvillim në fazën e zbatimit të tyre: ky kriter vlerësohet me **0 deri në, maksimalisht, 30 pikë**.

Ky kriter duhet kuptuar si, aplikuesit të identifikojnë ndërhyrje (përmes projekteve rajonale), të cilat arrijnë të gjejnë mbështetje dhe ngrejnë fonde për financimin e zbatimit të tyre dhe nga partnerë të tjerë qendror, rajonal, vendorë apo të huaj për zhvillim.